

四庫全書

史部

欽定四庫全書

硃批諭旨卷一百二十八

硃批許國桂奏摺

雍正元年十二月十五日署理宣化總兵官正黃  
旗副都統臣許國桂謹

奏為據實奏明事竊臣恭膺

特旨署理宣化總兵官印務

聖訓詳明洞悉幽隱臣鏤心刻骨寤寐不忘入境以來

虛心體訪苟有關於營伍利弊者皆當次第興除  
以副我

皇上撫綏至意訪得前任總兵臣張自成諸事闡茸弁  
兵效習成風向有空糧今雖添補然新募之兵弓  
馬技藝不無生疎臣嚴行訓練務收實用又臣將  
親丁糧六十分俱照數招募頂補屬員節禮陋規  
出示禁止各屬又有總兵之掛糧臣面誡屬員嚴  
令速為募補又查宣化教場餘地二十四頃每年

租銀四百三十餘兩城內菜園八十畝每年租銀  
十三兩沙城西城各房一所又鄧家窩一處每年  
共租銀四十六兩又馬廠餘地每年交黑豆二百  
石草九千束歷任總兵取為饔飧之資雖無害於  
兵民但以官地所產臣若擅自收納心實未安謹  
據實陳奏伏祈

皇上睿鑒施行謹

奏

諸凡須行與朕看不在此數行摺奏也應取者取用亦豈有嗔責之理總要還朕一是字而已所奏防汛添兵之摺已發部議爾雖初到看所料理處頗屬可嘉勉之

同日又

奏為遵

旨奏明仰請

睿裁事竊臣欽奉

皇上面諭修葺宣化城垣事宜臣於抵任後遵即會同

宣化知府郭維寧俾率宣化知縣楊蔚親臨閱視城垣坍塌處所共計八百八十五丈以及城樓角樓等項悉皆倒壞據該縣印冊估銀十三萬三千八百四十兩零惟是宣郡城內卑窪北門之外東門各道山水洶湧奔注舊建石堤土堤以禦汎濫而固城垣因年久未修石堤衝開四處土堤衝開三處山水直灌城根北面城牆磚石無存者共七十一丈其僅存薄土四五尺者二十八丈若不及

今修堤恐來歲春夏山水一發倉庫兵民難保無虞恭請

皇上敕令先修堤工俾水歸故道以次修城始得完固復於修堤之時遵倣古蹟修復閘口俾其蓄洩有時旱潦有備宣府百姓共沐

皇仁於無既矣再知府郭維寧職司民社仰請

敕令一體監修則臣臂指得人而工程可以速竣為此具摺奏

聞伏乞

睿鑒施行謹

奏

所奏是自應先修堤工令郭維寧一同監修爾即傳旨知會撫臣可也

雍正元年十二月二十八日署理宣化總兵官正黃旗副都統臣許國桂謹

奏為報明事竊臣於本月二十七日據張家口副將

馬承璋報稱據巡街把總稟稱卑弁帶兵巡街至  
通橋門街市見有旗人飲馬將街攔住有柴火車  
一輛又有婦女車二輛擁擠一處一夥旗人只顧  
飽看婦女拉車之人急欲前行反將拉車之人渾  
罵卑弁同兵向前勸阻豈期伊等恃威將卑弁及  
兵丁百般辱罵肆行毆打卑弁現將旗人兩箇扭  
住聽候查問等情據此隨同韓叅將詢問你是那  
旗人屬何佐領據稱我是正紅旗人一箇叫莊兒

一箇叫王國賓我們是敦郡王肉房茶房內務府  
佐領下人你管不得我你問我做甚麼你送我一  
箇地方去罷等語本職未敢擅專理合具文報明  
等情到臣據此臣隨檄令遊擊史蘭韻等將莊兒  
王國賓即行鎖拏嚴加看守外事關旗人騷擾地  
方不敢隱諱理合據實具奏請

旨謹

奏

如此執法方見是實心任事朕甚嘉之將二人生事情  
由備細聲明鎖解咨部請旨施行

雍正二年正月二十二日宣化總兵官臣許國桂  
謹

奏為據實具奏仰籲

天恩事竊臣據臣標所屬各營路將弁等官魏麟等合  
詞詳稱據出師兵丁王萬傑等公同稟稱役等遵  
於康熙五十九年調往陝西出師荷蒙

聖祖仁皇帝隆恩每兵賞給馱載馬二匹兵丁五百名共領馬一千匹跋涉三載沿途倒斃當即報明隨征兵部蒙令賠補役等無奈各將支領餉銀隨倒隨補及回營之日並在途所補之馬十無一存領兵陳副將諭令役等每一名繳銀十六兩以足兩馬之價但思役等身充營伍養生度日惟賴餉銀茲議以餉銀抵補役等憑何度日近聞保定城守尉滿洲兵丁古北口提標綠旗兵丁倒斃馬匹均蒙

皇恩免賠役等奉調出師事屬一體伏乞詳請

題達仰邀

聖主恩典一視同仁從寬免賠則生生世世頂戴

皇恩於無既矣等因到臣職司所在不敢壅於上

聞可否免其賠補出自

天恩伏乞

皇上睿鑒施行謹

奏

總兵許國桂所奏該鎮兵丁軍前倒斃馬匹一項念伊等出征勞苦從寬免其賠補該部知道

雍正二年二月初三日宣化總兵官臣許國桂謹奏為遵

旨監造沙城敬陳末議事竊照雍正二年正月二十七日奉兵部劄付內開欽奉

上諭原任提督左世永著派往沙城修造城池并著給事中戴錦監督催修左世永如力不能完工即令戴

錦協力幫助將二人俱交許國桂照伊指定處所修造等因劄行到臣臣隨於二十八日親詣沙城會同戴錦左世永逐處勘閱城工悉照舊制指明俾其遵式修築俟興工之日臣不時單騎前往查看催趲隨據耆老鄉約人等稟稱東堡外東北角向因山水灌注漸至城根居民搬運山石欲築堤一道自地震後居民窮苦無力建築今蒙

天恩造城萬民有幸懇求一併造堤用成萬年不拔之

准照

計臣閱城外東北角正當山水所衝必須築成石

鄉民所請行

堤方可以防汛濫之虞向時居民搬運石料猶存相應並令造堤以護城垣臣更有請者查沙城之內西係保安州治東係懷來縣治一城兩管既無專屬又無一官在地駐防今值興造城垣丁夫工匠蝟集蜂屯其間良善固多宵小亦復不少必得專員方資彈壓查有糧捕同知滿雲鵬駐劄新保安城內去沙城僅二十里仰請

聖旨令其來往稽查緝捕甚於地方有益但同知滿雲  
鵬乃屬文員臣何敢擅為越俎之謀緣蒙我

皇上委任優隆用是謹陳一得之見繕摺請

旨伏候

皇上批示遵行謹

奏

將爾所奏情節知會撫臣李維鈞諒伊自有措置此所  
奏是但不知滿雲鵬向日居官何如

雍正二年二月十八日宣化總兵官臣許國桂謹  
奏為奏明事竊照修造沙城業將興工日期另疏具  
題外臣於查看沙城之時監督臣戴錦議將沙城舊  
基盡行剷平走夯另造臣思沙城牆垣雖盡倒塌  
而坐地基址仍然堅固若必剷平舊基走夯另造  
不惟曠日持久抑且一工數費似屬無益況新走  
之夯未免鬆浮終不若舊基堅固臣令其照舊基  
修築迨沙城工完之日倘有餘貲則附近城堡倒

塌正多或可再興一工裨益匪淺臣之管見如此

伏祈

皇上睿鑒施行謹

奏

爾此見甚好今有居官貪饕之原任大興令高純嘏十  
餘年來婪贓不下數萬發往助修城工爾查就近一切  
城垣堤路如有應修理處酌量伊等力之所能令其修  
理

雍正二年三月初三日宣化總兵官臣許國桂謹  
奏為據實奏

聞仰祈

乾斷事竊照修造沙城臣奉

旨管理業將指定處所緣由并報到興工動土日期繕  
疏具

題臣復親至沙城會同戴錦左世永遶城閱看一應  
修造之方詳細指明令其作速修造臣回署之後

復經疊催詎意延今一月尚未修造臣細揆之緣  
地方棍徒暗地鑽營欲行包攬戴錦自恃監督假  
公濟私或就中分潤而左世永窺破隱情多方拒  
却必欲另覓工役且又希圖協助種種延挨似此  
各挾私心互相虞詐尚無修造之期安有完工之  
日臣若徇隱不言難辭朋比之咎所當據情

奏明伏乞

皇上乾斷施行謹

奏

所奏甚是爾多方開導如怙終不悛即行叅奏候朕嚴  
加處分

同日又

奏為恭報宣化得雨日期事欽惟我

皇上念切民依不遑宵旰今宣化地方於本月初二日  
夜甘霖大沛四郊霑足會見豐收有望萬姓共沐  
皇仁理合

奏報謹

奏

覽奏地方及時得雨殊為可喜真所謂

天恩浩蕩也

雍正二年四月二十二日宣化總兵官臣許國桂

謹

奏為恭繳

硃批諭旨事竊照雍正二年三月十七日臣標把總齎

到

皇上硃批原摺一本遵即行文直隸巡撫順天府尹等衙門疊催去後今高純嘏尚未到工俟其到工之日取有興工日期另行

題報合將原摺恭繳謹

奏

知道了

張自成猶屬曾經出力之人因其居官不職所以罰派

此差今業已身故向日貪得多寡諒皆爾所知悉不必過於苛刻

雍正二年六月二十一日宣化總兵官臣許國桂  
謹

奏為奏

聞事竊臣荷蒙

皇上委任監理修造城垣堤路今查得沙城堤壩已經  
修完中堡磚城亦經修完惟城樓尚在蓋造即日

告竣其東西二土堡現在上緊修造新保安城堤  
壩二道亦已修完現在清理城基除宣化府城工  
現在創沙修築容臣另行具

奏所有做完工程理合奏

聞謹

奏

據奏各項工程已悉其南口居庸一帶大路當加意監  
督修理

雍正二年七月二十八日宣化總兵官臣許國桂

謹

奏為據實

奏明仰祈

聖裁事竊張文燦修造宣化府城以贖伊父前愆臣約  
估其力可出四五萬金前堤工雖經報完而甕城  
尚未告竣城外之沙僅刨去一丈其所作工程約  
費三萬六千五百餘兩實止發過銀二萬五千七

百餘兩未奉

旨下問之先尚陸續發銀修工及奉

旨下問之後張文燦隨口稱力竭工料等項欠銀不發

以致匠役停工事關

欽工豈容稽遲推卸倘再延挨臣即另行叅

奏合先

奏明或令其將甕城修完免其再修或令其將城外

之沙再刨去五尺臣不敢擅專伏乞

皇上睿鑒批示遵行謹

奏

張文燦效力至三萬餘金可以寬免今派遣原任雷瓊  
道沈澄來工效力應交付某處工程爾其酌量撥與修  
理

雍正二年八月二十六日宣化總兵官臣許國桂  
謹

奏為恭謝

天恩事雍正二年八月十五日據臣標把總恭捧  
御賜月餅到宣臣出郊跪迎至署恭設香案望

闕叩頭謝

恩祇領訖伏念臣一介庸愚至微極陋荷蒙

天厨寵賚感激惶悚惟有勉竭駑駘圖報

皇恩於萬一耳理合奏

謝謹

奏

凡百惟務真實方能永久蒙朕眷顧不可絲毫放縱有負委任之恩

雍正二年九月十一日宣化總兵官臣許國桂謹奏為恭繳

硃批諭旨事竊照雍正二年九月初一日臣標把總恭齋到

皇上硃批原摺臣捧讀之下惶悚無地前奉部劄惡僧正修一案奉

旨著臣明白回奏其明白回奏之處令其送部不必自行摺奏臣恪遵

諭旨所以不敢具摺冒瀆

天聽今蒙

聖訓諄切感激涕零除將明白回奏之處具疏

奏明外謹將實情附

奏竊臣原與此僧素不相識因口北道范弘偁送來

募化云係舊相識臣一時愚昧給銀六兩但臣不

能早燭姦邪於未露之先疎畧之罪實何敢辭所  
有奉到

硃批原摺理合恭繳謹

奏

此事甚屬愚昧無識陋習不除殊可痛恨爾試思有是  
理乎

雍正三年四月二十六日宣化總兵官臣許國桂  
謹

奏為奏

聞事竊照雍正三年四月二十三日卯刻據四門守門  
兵丁稟稱口北道年裕吩咐今早城門不可即開  
不知何故臣隨差人訪問知係教書之人乘夜逃  
走徧城尋覓無踪等情理合具摺奏

聞謹

奏

凡百照此據事直陳方是爾觀年裕之居官為人如猶

有優處則已若竟不妥又有此甚可笑之事即行具摺  
參奏可也

雍正二年五月初二日宣化總兵官臣許國桂謹  
奏為遵

旨奏

聞事竊臣奉到

皇上硃批諭旨遵查口北道年裕到任未及三月居官  
尚不敢多事但其為人瑣屑況舊染脾疾飲食少

進形神倦怠強為支持臣思辦事全賴精神若身  
軀疲憊難免曠官謹據實回

奏伏乞

皇上睿鑒施行謹

奏

既云竝無劣蹟未有因病加罪之理再看幾時另行奏  
聞

雍正三年五月十九日宣化總兵官臣許國桂謹

奏為奏

聞事竊照原任學道張學庠係考核學道案內因聲名  
不好革職派令修理居庸南口道路之員理宜實  
心效力不意張學庠詭詐居心姦巧成性於雍正  
二年六月內奉

旨發往南口效力延挨至十一月始到工所因天寒停  
工止用過揀石銀二百三十餘兩今春修堤墊道  
皆令工匠代為墊用所做工程約費五千餘兩而

止給銀七百兩以致工匠紛紛索價停工以待而  
張學庠又云必須家中協力設處方能接濟臣查  
張學庠居官聲名既已不好豈無餘貲而伊父張  
孟球又屬原任開歸道並未與張學庠分家銀錢  
皆伊父張孟球掌握現住蘇州本籍年猶未老可  
以幫助其子以臣愚見莫若令張孟球前來工所  
幫助備辦既可早竣工程又可為詭詐姦巧者之  
戒謹據實奏

聞如果臣言可採伏乞

皇上批示以便遵行謹

奏

斷未有因子罪及其父之理將應需錢糧酌定數目援  
旨行文江蘇巡撫追變張學庠之家產可耳

雍正三年六月初六日宣化總兵官臣許國桂謹  
奏為奏明事竊照臣於署理宣化總兵印務時奉

皇上面諭著令原任宣化總兵官張自成修理宣化府

城刨除沙土并著伊子張文燦前來幫助經臣

奏明即將清河北壩先令其修完後將甕城城樓刨  
沙等工指示修作今已告竣共用過銀三萬六千  
五百餘兩至張文燦修壩時借用過舊城磚五萬  
一百零六塊共該銀一千五百三兩零此項銀兩  
或令其陸續交存口北道庫或邀

恩豁免臣不敢擅專伏乞

皇上批示遵行謹

奏

此項銀兩免其賠補可也

雍正三年六月二十五日宣化總兵官臣許國桂

謹

奏為奏明事竊照雍正三年六月十一日發到條奏

洋河橋一摺奉

皇上硃批著沈澄添修此橋欽此臣遵即親往閱視查

此橋在城之南關外為蔚州南山往來馱煤之道

非通秦晉三口之大路考其衝塌之故蓋因當年  
建造時上下寬濶一樣是以橋面勢重易於傾圮  
又因橋底屑短水淘沙旋根脚不牢以致坍塌目  
今之水現在流注橋南並不由橋下出入以臣愚  
見合無就可渡之處著沈澄另造長石平橋一座  
即運廢石以築橋基另採新石以鋪橋面庶橋工  
更持久遠而民無病涉矣臣管見如是是否有當  
伏乞

皇上批示遵行謹

奏

依爾所議行但改造平橋所需較之修治舊橋所需銀兩必有增無減爾方可免人談論於此處亟當留心

同日又

奏為叅奏事竊照奉

旨發來修城效力之原任大興知縣高純嘏秉性姦巧居心狡詐自雍正二年閏四月初九日動工興修

新保安城至九月內因天寒停工所做城門及堤壩工程無多今年自春至夏臣屢經嚴飭而高純嘏詭計百出託言某日動工至期寂然臣疊行嚴催高純嘏始開出房屋田地並不開明數目及坐落地方據云無人敢售惟以虛辭巧飾延挨時日玩誤

欽工莫此為甚理應行文江蘇撫臣變其產業以早竣城工伏候

皇上批示遵行謹

奏

此事爾奏遲矣高純嘏到工業已二年縱有資產早經  
隱匿即使行文江蘇止不過得一家產盡絕之覆文耳  
於事何益今不若將高純嘏嚴拏交爾追比將來不能  
完工高純嘏固不免延捱之罪爾亦難辭袒庇疎縱之  
咎也應否行文在爾斟酌朕意不必爾若謂有益傳旨  
行文亦可

雍正三年七月二十一日宣化總兵官臣許國桂  
謹

奏為欽奉

上諭事竊臣准兵刑二部劄開奉

上諭令直省督撫提鎮通行各該地方文武官員嚴查  
年羹堯寄放之貲財產業等因到臣臣遵即遍飭所  
屬嚴加躡訪臣又細加查察查得張家口居民卜  
爾介向係年羹堯販買馬匹之人恐其領伊貲本

隨即傳訊據供並未領有資本小的兄弟卜爾耀  
因趕馬流落陝西年羹堯的馬販子高文顯係裕  
親王屬下人認得小的兄弟於康熙六十一年同  
到張家口住在小的家裏買馬五百餘匹雍正元  
年又買馬一千餘匹雍正二年又買馬七八千匹  
馬販衆人私帶之馬在外張家口之馬價每匹八  
兩上下趕到陝西年羹堯與衆人私帶之馬與營  
兵係十二兩一匹他的馬是多少價銀小的不知

道小的兄弟尚在陝西未回等情訊供在案緣係  
臣地方之事既經訊明敢不直陳應否

敕下川陝督臣曉諭兵丁其馬價未給完者俱不准給  
還其已給還者俱令照張家口八兩之價餘銀追  
繳是否有當伏乞

皇上睿鑒施行謹

奏

此事著年羹堯明白回奏并著總督岳鍾琪察明奏聞

雍正三年八月二十四日宣化總兵官臣許國桂

謹

奏為恭繳

硃批諭旨事竊臣標把總恭齋


皇上硃批原摺到臣臣跪讀之下益加兢惕實力遵行

合將原摺繳

進謹

奏

爾近日以來甚屬不妥慎之



硃批諭旨卷一百二十八

# 欽定四庫全書

史部

硃批諭旨卷一百二十九至  
三十一

臣 永 瑤 恭 校

編 修 臣 裴 謙 覆 勘

總校官中書 臣 朱 鈴

校對官助教 臣 卜 惟 吉

謄錄監生 臣 茅 琳

欽定四庫全書

硃批諭旨卷一百二十九

硃批王紹緒奏摺

雍正五年三月初九日廣東提督臣王紹緒謹

奏為欽奉

諭旨恭謝

天恩事竊臣於雍正四年十二月十一日

陛辭後束裝起程時有兵部職方司員外富海到臣寓

所傳

旨雍正四年十二月十一日尚書查弼納交出奏摺一

件奉

旨守備施致雲陳申著照依提督王紹緒所請帶去劉  
得紫係旗下人已經歸旗爾部行查引見王紹緒以  
金山營叅將劉永貴漢仗好做官亦好奏請帶往粵  
東題補但金山地方緊要且叅將係屬大員粵省難  
以題補爾差章京一員趕上王紹緒將此旨口傳與

伊欽此臣質本駑駘仰沐

皇上隆恩特授廣東提督因念各員微材可取是以冒

瀆

天聽復蒙

聖鑒不獨臣感激

天恩於無既而劉永貴施致雲陳申劉得紫受

恩益厚自必益加奮勉盡心職守策勵清操仰報

主恩於生生世世矣俟施致雲陳申到廣之後遇缺另

疏

題補外合將奉到

諭旨緣由恭摺奏

謝伏乞

睿鑒謹

奏

伊等受恩何須爾代為感謝觀爾頗涉傾身為人習氣  
如有此病不切以為戒小則徇私欺隱大則背公結黨

皆由斯滋長於家於國有害無益也為大臣者惟剛方清介正色執法始稱勝任夫事君尚不惜致身何惜身外之人大義尚欲滅親何況屬員及親友耶戒之勉之於爾甫陞辭後朕曾向廷臣降諭恐爾犯此流弊今覽初次奏摺果不出所料故不得不明白訓誨以防徼倖漸爾其回志易慮捐除一切市恩邀譽瞻顧善柔之風專意奉公盡職可也朕雖如是批諭實能遵承與否以至受益罹害邀福賈禍總在爾自取之耳

同日又

奏為欽奉

上諭事雍正四年十二月初九日臣於

乾清門面奉

諭旨巡撫楊文乾做官好才亦好朕不患其不能辦事而患其急於辦事爾到廣東可將此旨傳與楊文乾隨指座前扁語

思諭戒急四字示臣曰朕昔年性最急時蒙

聖祖訓以和緩之道今登大寶治理諸務惟恐仍涉於急  
有負我

聖祖之訓敬書此扁得以時加警惕看爾係過於和緩人  
又當以急於辦事為要也爾其勉之總督孔毓珣做  
官好朕心喜悅爾若途間與之相遇可將此旨傳諭  
於伊再者前提督萬際瑞曾摺奏碣石鎮總兵陳良  
弼爾到廣東查明具摺奏覆欽此臣於上年十二月

十一日

陞辭出京一路南來與總督孔毓珣並未相遇理合聲  
明今於本年三月初八日在廣州府三水縣地方  
接印視事初九日過廣州府省城遵將所奉

諭旨傳與撫臣楊文乾祇聆訖碣石鎮總兵陳良弼臣  
入境時即聞其居官聲名不堪收漁船陋規在營  
伍賣糧又因上年荒歉陳良弼遣人到惠州採買  
米穀甚多以致米價昂貴民怨沸騰萬際瑞查伊  
批牌並無註明採買數目且聞其以接濟兵民為

名實係圖利是以萬際瑞摺奏但萬際瑞摺中所  
列陳良弼之事未蒙

聖思明諭今臣訪其事蹟如此理合恭摺覆  
旨至臣材質愚鈍處事每恐過於和緩敬聞

天語訓誨惟有與撫臣楊文乾互相箴規過者抑之不  
及者勉之益加策勵竭盡駑駘仰報

主恩於萬一謹此奏

謝伏乞

睿鑒謹

奏

以爾之明敏而賦性和緩此種氣質之人每易流於善柔巧詐時常返躬自省若不犯此病將來可為一大人物否則終屬棄材此等盡壞國家之風習朕斷不姑容也當竭力戒之毋負朕簡擢之恩

同日又

奏為恭謝

天恩事竊臣西蜀庸材由千把微員歷官遊擊恭逢我  
皇上御極雍正三年陞臣太湖營叅將雍正四年陞臣  
湖州協副將旋又

特授臣狼山總兵恭請

陞見又蒙

授臣廣東提督仰承

訓諭諄諄

錫賚稠疊臣感激涕零之下因念臣少孤失學今日得

沐

殊榮實由臣叔新命撫養教訓所致是以於上年十二月初九日在京具摺陳情蒙

皇上恩准臣帶臣姪楫桓二人隨任讀書併學習弓馬今已到粵至臣子武舉植亦蒙

聖恩准臣帶往粵東今尚未到俟其自川來粵後咨會署督臣阿克敦考補千總另疏

題明外伏念臣一介武夫寸長未效荷蒙

異數一歲三遷而至提督此誠千古未有之

隆遇畢生難報之

深恩何敢即以細事於拜颺之頃驟瀆

聖聰祇緣受

思深厚不啻家人父子故不禁情詞發露冒昧之愆回  
此乃人情物理中事以實對君何冒昧之有  
思益懼幸

聖主優容

命准隨帶此又千古未有之

曠典臣同姪與子更屬畢生難報之  
訓誨子姪事小他日朝廷見用與否尚在未定訓誨自  
隆恩也惟有日訓臣姪與子矢志忠正存心廉潔以圖  
己甚屬緊要  
共報

國恩於萬一為此繕摺奏

謝伏乞

睿鑒謹

奏

覽

雍正五年六月二十七日廣東提督臣王紹緒謹  
奏為奏

聞事竊廣東為山海交錯之區而瓊州一鎮離督撫提  
臣甚遠係駐劄海島外控黎夷內資屏翰甚屬緊  
要所賴鎮臣強幹精明而嚴以飭下訓練有方操  
守廉潔方能整軍容而資彈壓今查現任總兵黃  
助年近八旬操守甚屬平常且送臣考驗弁兵弓  
馬人材合式者少其平日營伍廢弛可知矣海疆

重任關係非輕臣合具摺奏

聞伏乞

睿鑒謹

奏

據奏黃助廢弛營務知道了但水師人材甚屬難得

同日又

奏為據實奏明臣標營伍事竊臣蒙

皇上隆恩畀任全省提衡則通省營伍自應皆為整飭

惟提標兵馬係通省觀瞻尤當先為經理臣驗閱

本標五營出汛存城各兵半多老弱技藝生疎且  
從前提臣若不如是何以今日用汝此任耶前車之覆  
盃甲不全旗幟俱舊不識從前提臣何竟因循若  
湏深以為戒勉之  
此臣仰荷

聖恩付以山海重寄若不急為整飭則臣之罪更甚於  
前人矣故不敢隨聲附和以蓋他人之愆謹據實  
敷陳仰祈

聖主洞鑒庶臣得從容辦理次第整飭臣現在將馬步

兵丁加意訓練約一年之後可觀成效查營中鐵  
綿盔甲有堪披戴者有不堪披戴者其大纛旗幟  
亦應製造今擬修整盔甲製造旗幟通共估計實  
價銀三千零三十四兩但此修整置辦銀兩若云  
捐俸即屬欺隱臣查各省提督

例有親丁糧八十分惟廣東從前提臣於八十分外  
又有家人食糧二十分臣蒙

皇上厚恩家人等於八十分內儘可瞻養何敢違例致

干罪戾隨將此二十分退出并查五營將備自王  
文雄提督時起有多食親丁糧二三分者臣嚴行  
申飭亦並勒令退出計今共退出步戰糧四十六  
分自本年閏三月起至十二月終止糧餉二項共

銀七百九十一兩零臣乞

營伍中數分公費名糧係不可少者只要用得其當耳  
聖恩暫停募補將此糧餉存貯以為修置盔甲旗幟等

用漸次整理約二年內全備其糧缺即募精壯照  
數補足再查廣東通省鎮協營將備其現在親丁

伏糧之弊甚屬無理  
糧例外各皆多食二三分不等臣深駭異據稱王

文雄提督時於康熙五十二年曾經具摺奏明

口稱奏明亦何足為憑  
聖祖仁皇帝竊思

特恩乃邀於一時非經久通行之例臣隨遵照康熙四十

二年湖廣提臣俞益謨

題定親丁額數九卿議覆奉

旨通行之例申明通飭即行改正其退出糧缺勒令募補

現據各鎮協營將備出具遵依改正名缺召募補

此細事足存案合併聲明至於道省營伍臣今春赴任時順道經由者按閱之下即嚴飭將備務為整頓其非經由及在遠處者即嚴行申飭令其一洗從前因循之習但非躬親查閱恐難振起頽靡合併請旨准臣於軍政事竣後即輕騎減從遍查各營兵丁技藝盔甲旗幟器械等項臣亦得備識地方形勢嚴飭操防務期山海交錯之區營伍壯觀民安盜息庶幾仰報

高深於萬一耳理合恭摺奏

聞伏乞

睿鑒謹

奏

詳閱所奏無非瑣屑之務粵省武弁貪黷盜賊狡黠總未言及如何整飭如何消弭而將此易於辦理之事不必奏聞之言鋪張如許閱文奏朕何益若能將貪風革易盜蹤止息此外亦無可整理處矣幾分名糧有何關

係召募數兵有何大益據是觀之爾乃專務細微而忽  
緊要不識輕重之人也似此本末倒置充類而言自必  
以取悅於衆為是而反以見賞於君為非斯乃背公之  
陋習庸材之常態當切戒之凡百處惟於大者遠者是  
務方克勝任

同日又

奏為恭謝

聖訓事本年五月初三日臣齋摺千總回惠臣跪迎

御批摺匣到署叩頭啟視敬誦

皇上殊批諭旨併閱張廷玉查弼納等公同寄信轉傳  
上諭仰見

聖明洞鑒臣惶懼慚赧實無以自容伏念臣愚昧武人  
受

恩深厚所愧性涉善柔致有為人愚見今蒙

聖恩指示臣得省悟其非幸沐

皇恩寬大不即

賜罷斥復荷

訓諭諄諄俾臣自新不啻家人父子臣欽遵之下感激  
無地惟有力洗善柔為人之習孤介自持時時加  
勉悉秉至公至正激濁揚清仰報我

皇上高厚之恩也所有奉到

聖訓理合恭摺奏

謝伏乞

睿鑒謹

奏

能幡然省悟乃爾之福若不能改悔實心遵奉而行徒可惜朕恩終為天下後世所笑耳朕豈肯以封疆重任為市私恩之物耶

雍正五年九月十一日廣東提督臣王紹緒謹  
奏為奏

聞事竊臣查廣東提標向來選有勁兵一千名曰戎旗為提臣援勦之用名雖分隸五營而其實不赴五

營操演惟聽提臣委設總統一員率其操練但自設戎旗以來歷年已久或弟男頂替或懦弱資緣藏拙於此且有安閒之樂又因不受五營將備鈐束操演驕縱自恣結黨抗挾刁風尤甚臣逐加閱驗因內多漢仗平常弓馬生疎者誠難任其閒曠且念提標五營水陸汛地甚屬廣遠在汛之兵操防無暇是以將此戎旗挑選五百名仍備提臣援據奏如<sub>是廢弛何可備用</sub>援<sub>勦</sub>朕意併此五百名亦令勦之用併令各將備鈐束操演以專責成外其餘

其入伍操防未為不可  
五百名材技平庸者發入五營令其一體操防以

從前均勞逸以收實用不謂戎旗各兵閒惰習成一聞  
發營之令於本年七月初九日輒敢肆其故智遍  
善後之策即當量力而動不應輕舉今致激出事端滋  
貼匿名傳帖狂詞恐嚇因臣不以恐嚇而中止復  
長刁風是何理耶已有旨遣官前往審究此事必將為  
首數人正法方合  
敢聚眾勒免發營否則有繳械辭糧等語不法已  
極臣於本月十六日一面曉諭解散其眾外即訪  
未知盡何嚴法以處似此罷軟朕實憂汝之不能勝任  
拏為首之謝陞楊士龍等盡法嚴處為從之李昌

岐程鴻徐顯貴楊顯韓昌張金生等責革立即遞

如是寬縱了結而云羣情懾服恐未必然  
解回籍安插羣情帖然懾服始知

國法隨即赴營聽候差操但此馭兵申律是臣分內

之事不敢具

天下人各有耳目將欲誰瞞况督臣業已具題似汝之

題上瀆

懲治有何不安但雖暫安一時恐將來接踵效尤者  
聖聰今既懲治衆兵安帖理合恭摺奏  
聞不可勝數矣  
伏乞

皇上睿覽施行謹

奏

覽

同日又

奏為奏

聞事竊查粵東自七月以來民間晚禾陸續俱已栽插  
高雷廉瓊四府禾苗甚是茂盛豐收可望惟廣肇  
惠潮韶南六府八月內雨水稍覺愆期低田車戽  
可施豐亨可冀其高田離水甚遠者惟待甘霖一  
霈則通省咸慶豐稔矣目下米價高雷廉瓊四府

每石八九錢一兩不等廣肇惠潮韶南六府每石  
一兩二三錢至一兩六七錢不等兵民相安地方  
寧謐所有現在秋禾雨水米價情形理合恭摺奏  
聞謹

奏

覽禾苗米價情形知道了

條奏交印禁火器二摺留中

同日又

奏為恭繳

硃批叩謝

恩訓事本年五月初三日臣齋摺千總回惠臣郊迎  
御批摺匣到署叩頭開匣跪讀

硃批訓旨欽此欽遵隨於本年六月二十七日跪繕  
奏摺恭謝

恩訓後茲七月十八日兩廣督臣孔毓珣自京回任臣  
前赴三水縣地方跪請

聖安督臣口傳

上諭王紹緒人雖好但於交情太重凡市惠近名令人感激之舉伊必樂於從事若釐姦剔弊招人怨憾之事伊即未必肯為欽此臣跪聆之下

天語煌煌儼如咫尺臣惟仰體

訓諭力洗前習益加策勵以期仰報

天恩於無既理合繕摺將前次奉到

硃批敬謹封繳併叩謝督臣孔毓珣口傳到臣

恩訓伏乞

皇上睿鑒謹

奏

當聽朕訓旨竭力改勉切毋自以為是但以公之一字  
時時放在目前審度孰輕孰重則胸中自必了了無疑  
矣大率人之識見容易狹小最難廣濶若偏於行小惠  
一邊諸凡正務必致廢弛而不能振作也此乃理之必  
然朕實見透而言勉之勉之

雍正六年二月初三日廣東提督臣王紹緒謹

奏為恭謝

聖訓謹再陳明仰祈

睿鑒事竊臣前以本標戎旗兵選剩之五百名發營操  
差情事摺奏奉有

皇上硃批臣跪讀之下惶懼交迫伏念臣才質庸愚處  
事未當仰蒙

聖恩詳細批示益切感激伏惟前事因臣將戎旗兵發

營操差之時有刁兵傳帖狂詞欲行繳械辭糧等語情屬可惡而以其尚在未行且事機宜速是以將訪拏出資糾衆為首之謝陞審究確實於操期之際當五營兵衆立行杖斃其次為首之楊士龍及為從之李昌岐等分別責枷示衆革伍編民衆心畏懼咸知

國法至今操差無懈但此事本應具

題緣揆此中情節與雍正五年七月間督臣孔毓珣

與臣會

題之南雄協兵因副將李建功操練過嚴以致繳械  
此亦跡涉刁抗何論有間雖未及繳械辭糧業既傳帖  
聚衆即事同一轍況在提標愈當從重懲究有間二字  
聖聰臣即處治以遏刁風并免延緩昨奏  
朕甚不以為然  
聞時止稱盡法未經分析陳明致厘

宸衷臣愚昧之愆實屬難追今蒙  
朕所深惡者此等議論若一味沽寬大之名有罪者概  
聖恩寬大不加罪責  
不加責汝將以朕為何如人主耶類斯無理不經之言  
指示詳明臣惟益加策勵上報

朕前母再混讀

高厚裁成至意至凡屬督撫提鎮標俱設有戎旗名雖

不同皆為援勦以及辦公差遣之用昨臣業經酌  
裁五百名歸伍操防其選留五百名之材技猶有

可觀相應仰乞

此在爾自為之事而乃乞恩於朕不知汝意何居  
聖恩仍准留作戎旗以備臣援勦及辦公差遣之用謹

具摺陳明伏候

敕旨其南雄協繳械辭糧一案現在奉

旨審擬聽督臣孔毓珣另疏

題覆合併聲明伏乞

皇上睿鑒施行謹

奏

覽

雍正六年六月二十四日廣東提督臣王紹緒謹

奏為恭謝

聖訓敬繳

硃批事竊臣齎摺家人節次回惠捧到臣前奏恭謝

聖訓事一摺暨奏明臣標營伍事一摺又捧到臣恭謝  
聖訓謹再陳明仰祈

睿鑒事一摺俱奉有

硃批臣叩首祇領伏念臣材識庸陋疊荷

聖恩訓誡指示詳明臣欽奉之下如仰覲

天顏面聆

恩諭惟時時惕厲事事凜遵以期仰報

隆恩於萬一耳臣謹恭摺奏

謝併繳

硃批奏摺伏乞

聖鑒謹

奏

覽奏知道了既為大臣當於遠大是圖若好行小惠拘執小節市恩立威惟小是務仍不脫走卒小人之態度必致貽誤職守而後已竭力遵朕訓諭強勉為之日久自然習慣假若固執不回自以為是終恐非爾之福如

吳陞魏經國等巧詐行為今皆敗露矣夫復何益切戒  
莫流於下愚不移也

同日又

奏為奏

聞事竊臣准湖廣提督咨會內稱湖南永州府寧遠縣  
生員荆之寶家於雍正六年二月初一夜被盜入  
室劫去銀錢衣飾等物殺傷男婦三人擄去五人  
勒銀取贖一案隨經

題報後茲據永州府該地方文武員弁呈稱現據本  
案緝獲夥犯供稱內有盜夥五六十人係廣東三  
江口連州連山縣等處人餘係廣西及湖廣本省  
人瑠人等因到臣臣即飛檄三江口副將及連陽  
營遊擊按照住址逐名拏解復遣臣標千總前往  
督緝業經陸續拏獲二十七名撥兵押解楚省聽  
審其未獲之犯姓名住址半多不確現在緝訪俟  
獲日即押解至楚聽楚省究擬

題結外合將先獲盜數恭摺奏

聞伏乞

睿鑒謹

奏

據奏姓名住址半多不確今盜犯既獲有如許名數何  
難詰問的實此語似有推卸之意其將所奏併朕批諭  
知會總督孔毓珣不可以為隣省案件而遂膜外視之  
也案內盜夥無令一人漏網

同日又

奏為奏

聞廣東早稻收成現在米價雨水情形事竊查粵省早  
稻自春時栽插以來雨水調順五月間即已成熟  
通省收成有九分十分不等現在米價高雷廉瓊  
四府每石六七八錢不等廣肇惠潮韶南六府每  
石八九錢至一兩外不等民間現在耕種秋禾雨  
水均調所有早稻收成及現在米價雨水情形理

合恭摺奏

聞謹

奏

此等奏聞處若少有粉飾涉於欺隱則汝領罪不起百  
凡但以據實為務謹誌毋忘

雍正六年九月十九日廣東提督臣王紹緒謹

奏為城垣久塌請

旨飭修以資防禦事竊臣於雍正五年三月內抵任時

即遍閱駐劄之惠州府城垣見牆塼城根共倒七處積算約六十餘丈查係歷年風雨傾圯并雍正四年間發水淹衝所致又閱附郭之歸善縣城垣倒塌更甚積算竟有一百五十餘丈之多亦係歷經風雨又緣地勢低窪更受發水淹浸所致臣隨移咨督撫一併議修嗣經屢催終未舉行雍正五年七月內准工部咨開議覆陝西延綏鎮臣孫繼宗所請設法修理城垣奉

旨依議通行之文臣復屢催至本年四月內准督撫咨覆始稱委員確估嗣據歸善縣知縣張世錫詳稱會同河源縣帶匠估修惠州府城垣應需工料飯食銀七千一百餘兩估修歸善縣城垣應需工料飯食銀一萬一千二百餘兩後以核減再估為詞迄今杳無興修音耗致昨六月間大東門城樓又已倒塌若再延挨城益傾圯工費浩繁愈難修理矣惟是城垣為保障所係當此省費可修之時臣

備咨督撫自應速修無奈屢催因循如故是以奏  
瀆

宸聰仰請

敕行督撫作速議修興工報竣庶地方得資防衛矣伏

乞

睿鑒施行謹

奏

直省似此為修理城垣奏請者甚多朕亦時常在念與

督撫臣再加商酌可也

雍正七年四月十二日廣東提督臣王紹緒謹

奏為特揭貪污曠職千總以肅軍紀事竊臣於雍正

六年五月十五日據肇慶協副將李建功揭報前

事內稱協屬右營千總黃雲龍以兵丁勾賊越獄

復將賊犯藏匿向新興縣索詐花紅銀兩分肥入

已又擅離汛守等情到臣臣即據揭咨請督臣孔

毓珣斥革究擬去後隨於六月初一日准督臣咨

覆業據副將李建功揭報經檄飭肇慶府確審究  
擬通詳核奪俟該府審詳到日會核定奪等因在  
案其所審供情迄今杳無通詳咨覆忽於雍正七  
年二月臣接准督臣孔毓珣會稿并咨以千總黃  
雲龍

題補瓊州鎮標右營守備員缺臣緣黃雲龍係現在  
候審之弁不便即邀

題補是以未經註題以期另選賢員不謂督臣於未

送會稿之先已列臣銜名業經繕疏拜

題且即給咨黃雲龍赴部引

見矣臣甚駭異竊思千總黃雲龍者貪縱居心得贓有據反荷

題補之榮奚以昭激揚之典謹將原案封呈

睿覽伏乞

皇上敕將千總黃雲龍發回廣東審明聽該督覆

旨外其瓊州鎮標右營守備員缺即懇

聖恩簡放庶免要缺久懸抑臣更有請者嗣後凡將軍  
督撫提鎮等如遇預行保題及循例題補并奉  
旨會同揀選保題事件

題覆之日仰乞

敕旨務令先期會稿畫題并取該管上司及會題之員  
印結送部查核以免虛捏合詞之弊謹此具

奏伏乞

睿鑒敕部議覆施行謹

奏

王紹緒此奏甚屬可嘉黃雲龍便堪題補亦當於審明無干後具摺請旨豈有特揭貪污曠職之案尚未完結遽行題補之理該督孔毓珣此舉甚屬不合該部嚴行察議餘一併議奏以聞

雍正七年六月初四日廣東提督臣王紹緒謹

奏為請開黎路并設官兵以分夷勢事竊照瓊州一郡孤懸海外周行二千里中設三州十縣南北綿

亘五百餘里東西橫隔三百餘里係黎岐所居惟  
以弓矢田獵為事從未見衣冠禮義之風動輒自  
相仇殺或聽漢姦唆弄南北尚夷立即傳箭結連  
啟釁貽害地方此誠不可不急為籌畫以分其勢  
查黎之附近於各州縣者則為熟黎或至城市與  
民貿易所種地畝薄輸賦稅其與治境寫遠者則  
為生黎又為岐人俗尤狡悍然其居處咸有村尚  
可名攷諸紀載明臣海瑞有黎中開十字路之議

揆之於今日則又事半而功倍仰請

敕下督撫檄令該地方文武等官自儋州至萬州東西  
橫開一字路除熟黎境界外生黎地方僅二百餘  
里宣揚

聖德次用工力剋期開闢以通商民往來於適中之沖  
山地西設叅將一員兵一千名安營立汛內外巡  
防則南北隔截其勢既分而釁端自消復諭以衣  
冠禮義之教清其地畝薄其賦稅不數年間畏威

懷德之下佇見熟黎全附版圖生黎亦同為

盛世之民矣其開路等費及設官抽兵營制一切事宜

統候

俞允之日再議蓋經營事後莫若先事預防臣躬履其

地目睹機宜敬陳管見繪圖恭呈

聖覽伏乞

睿鑒敕議施行謹

奏

覽奏黎地情形皆朕素所悉知廣東因督撫提鎮未盡得人盜風未靖民習未淳營伍未整吏治未清目前諸事尚多不克就緒朕乏識人之明正爾愧悔不遑何暇遶及境外耶惟宜以息事安內為要若非其人非其時而勉強舉動不但無益恐致別生事故汝等庸材自取恥辱猶屬小節國體所關甚鉅其嚴飭員弁鎮靜彈壓令若輩知恩之可感威之可畏相安於無事無作如是不自量之妄想如云事小易於成功既不能於國家生

民為大患害更不必荼毒冥頑無知之人以啟禍端也  
此議且置俟郝玉麟到任後再看汝等文武果能竭力  
經理俾吏治營伍井井可觀黎夷性雖愚蠢亦具有耳  
目心思臨時只須數紙告條可保不煩張弓隻矢即已  
措置妥協斯事非粵省目下所應行亦非汝輩大臣所  
能辦汝見誤矣將此摺併朕批諭與郝玉麟傳秦王士  
俊同看

同日又

奏為奏明臣標營伍仰乞

睿鑒事竊臣到任後即點查兵丁內多老弱技藝未嫻  
但須實力為之行與言符方可否則不如無此一奏  
盛甲損缺旗幟舊壞遂將老弱之兵漸次更換勤

加訓練外其應修整添造盛甲旗幟等費將從前  
提臣及將備多食隨丁糧缺退出暫停募補將糧  
餉銀兩以為添修之費業已經臣恭摺

奏明原定二年後修整齊足再摺奏

聞今已報竣實用銀三千一百二十八兩零又見五營

素無帳房鑼鍋臣復買備帳房三百頂鑼鍋三百口再臣標五營向有督臣孔毓珣買穀五千石以備青黃不接之時各兵借食臣見甚是有益且有惠協兵丁同居一城向無貯穀遇臣標兵領穀之時不無希冀臣是以於上年夏秋豐收穀賤之際又買五千石另建倉廩收貯以足標兵及惠協兵丁接濟之需三項實用銀三千九十兩零其銀係臣原報各官退出多食隨丁糧餉及歷年馬價羨

餘存公銀內動用茲臣身任提督已二年有餘相應將添造盔甲等項恭摺

奏覆抑臣更有請者前項增修買備一切遇營員陞遷事故必入交代方無廢壞侵欺之弊臣思增修買備悉係以公濟公謹於

聖主之前據實逐細預先奏明可否止以公費羨餘銀

兩增修置備前項列冊具

具疏題達殊屬瑣屑失體咨部存案可也照依督撫耗題存案庶後官接管不致漫無稽考俾標營置備永

美例辦理為礙  
得資用既愚不揣冒昧上請伏候

睿鑒批示遵行謹

奏

當竭力謹慎操守勉加風厲不令屬員欺蔽玩視方能  
稱職矣

條奏四摺留中俟廷臣議覆後另有諭旨

同日又

奏為欽奉

上諭事竊臣承准兵部劄付內開通行直省督撫提督  
上諭一道粘單一紙蒙

恩派賞臣標銀一萬八千兩於布政司庫內領回永遠  
作本營運生息遇兵丁有吉凶之事酌量將息銀賞  
給等因欽此仰見我

皇上惠濟兵丁至意標營兵目歡呼踴躍感激

聖恩另容據呈

題謝臣現在具領遴員營運生出息銀遇兵丁有吉

凶之事酌量賞給年底造冊送部查核外茲臣更有請者臣駐劄之惠州府地方偏僻業少經營素無當舖各兵或遇有急需每以重利向人私借而尚不能必得今蒙

聖恩兵丁有吉凶之事固已得沐

殊恩但尋常疾病事故亦所時有其間不無稱貸與其重利向人私借不若官借而止取其微息似屬兩益臣謹懇

聖恩除兵丁吉凶之事遵

旨將息銀酌量賞給濟用外其於平時遇有疾病醫藥  
兵丁除婚喪事外有何萬不得已之急需既慮及此何  
不平酌量借給二三兩不等定以濟一時急用官借取息  
及家中萬不得已之急需具稟營官應否將本銀  
議萬不可行是乃累兵之舉非愛兵也何識見愚闇  
至於此極叔歸本銀仍在所收之利亦充兵丁吉凶之賞如

此則兵丁遇有吉凶之需既沾

一任兵丁重利借貸隨意浪費汝等提鎮膺統率之責  
聖澤而平時偶有急用亦免重利借貸均荷  
者亦可謂稱職矣公然書此奏聞竟不赧顏乎  
皇恩於無既矣是否可行伏乞

睿鑒批示遵行謹

奏

所奏甚屬不達事體

同日又

奏為奏

聞事竊臣於雍正六年十一月初八日

題明查閱邊海情形即日自署起程由海豐碣石至

潮州澄海渡海抵南澳黃岡至閩疆交界處而返

從饒平鎮平於十二月初七日回惠州一路年歲  
豐收穀價甚平初八日臣復自惠州起程由廣州  
肇慶而至高雷兩府詢問年景亦甚豐收二十九  
日至海安登舟渡海雍正七年正月初一日至瓊  
州府於初二日閱驗鎮標兵營初三日啟行歷觀  
儋萬崖三營兵丁及海疆形勢十九日回至瓊州  
海口詢問海南年成去秋亦係豐收臣因風信不  
順不能渡海阻行二十日二月初九日南風始起

即渡歸海安從廉州欽州順由廣西之潯梧二府

以回廣東界見廣東船隻裝穀至廣西貨賣者甚  
斯言過矣恐未必然所見船隻不過偶有之事耳粵西  
多蓋往年東省食米皆仰給於西省今則西省食  
去歲亦係豐收何至如汝所云

米乃有賴於廣東矣三月初三日自梧州復至肇

慶廣州巡閱各海疆又至南雄韶州由乳源縣而

過湖廣宜章縣地方到三江看徭排形勢由新安

大鵬平海各海汛而回惠州一路二麥收成俱好

又值雨水霑足禾苗俱經栽插臣今抵署後現在

深慰

朕懷

雨暘時若此六月間早禾又慶豐收也至臣上年

十一月初八日起程到本年四月二十七日回署

於本省經由之處即順便驗閱營汛兵伍所有和平海門雷協春江廉州平海廣海龍門香山等協營將備中之行事乖張營伍廢弛弓馬生疎老病庸劣者經臣先後咨會督臣孔毓珣及臣具

題糾叅在案其餘各協營分隊伍猶屬可觀汛防亦無怠玩臣仍飭各官益加整頓勤慎供職外俟後

凡此有懈弛劣蹟另容

訪察

令皆鼓舞奮勉各思盡職為上題叅罷斥乃係次

題叅

其營伍整齊兵丁壯健技藝純熟者陸路以南

著較

之總不訓誠一味姑息者少優耳遂謂克盡統率

雄協營潮陽營為最水師以虎門協營瓊州營為

之責

可乎但求諸本慎毋惟末是逐

最其陸路副將李斯援遊擊劉廷俊水師副將李

順守備魯之芳及該協營各官弁兵丁臣俱面加

獎賞訖至如潮州鎮臣尚濬紀律嚴明營伍整肅

南澳鎮臣許良彬為人誠實熟諳水師碇石鎮臣

蘇明良整躬率屬訓練有方高州鎮臣陳倫炯人

甚明白清操尤著但見識畧有拘迂處其營伍亦屬整齊瓊州鎮臣施廷專馭兵有術因前鎮臣黃助玩弛之後益加整飭營伍可觀至左翼總兵所轄水陸一十四營地方遼濶該鎮臣謝希賢雖云熟悉水師而陸路終猶不諳且操守平常舉止亦不甚得體右翼鎮臣馬紀勲營伍中平而地方一切甚是留心以上鎮臣現在供職處合併據實奏聞伏乞

皇上睿鑒謹

奏

議論諸鎮情形較朕向所知聞頗相符合足見不誣非因所奏能與朕意相協而許汝公當也嘉悅覽之

雍正七年八月初六日廣東提督臣王紹緒謹

奏為奏

聞拏獲礦徒現交發審事竊本年六月間訪聞歸善博羅永安縣屬各處山場有礦徒聚衆偷挖臣即遣

撥標下將弁督帶兵丁前往拏逐隨據營汛官弁具報礦徒俱已聞風逃散隴洞填寨寮房燒毀山場清淨各等情昨又訪得碣石鎮右營屬海豐縣梅隴墟汛有匪徒聚集七月十九日搶奪徐秉閑等舖房一十一家傷死二人等情臣先遣標下前營守備哈雲棟帶兵跟追旋據營汛官弁稟報復即遣將帶兵弁檄行隣汛咨會碣石鎮臣蘇明良一體撥兵剴付惠州府遣歸善縣縣丞謝道進督

率鄉勇共力圍擒堵截去後隨據臣所遣標員等稟報賊至山羊寨地方見四面兵威勢難免脫於閏七月十六日據賊首謝恩榮呈稱我等原係各處開礦窮民從未做賊因被逐回家中途湊遇曾在梅瓏墟奪食誤傷良人今情願投撫并納姓名冊內開謝恩榮等一百二十三人隨即按名全數點解前來臣即咨解督臣郝玉麟聽發按察司核審至搶奪徐秉閑等家實在正犯名數統聽督臣

確審定擬

題結所有拏獲礦徒發審情由合先據實奏

聞謹

奏

此事朕早已聞之經數處奏報矣

同日又

奏為奏

聞早稻收成現在米價及晚禾雨水情形事竊照廣東

早稻今歲雨水需足至六月間收成各府俱有七八分至九分不等現在米價惠潮二府每石六七錢不等廣肇二府每石七錢上下不等高雷廉瓊四府及南韶二府每石八錢上下不等其各處晚禾現亦茂盛雨水均調將來可望大有伏查廣東連年俱值豐收人民樂業地方相安實荷我

皇上福庇所致臣目覩盈寧昌勝額慶之至理合據實

奏

聞伏乞

睿鑒謹

奏

覽米價禾稻雨水情形朕懷深慰

同日又

奏為恭謝

聖訓事雍正七年六月初十日臣屬

題補澄海協副將許大猷自京引

見回粵口傳面奉

諭旨到臣臣恭設香案望

闕叩頭謝

恩伏念臣質本庸愚為人策較仰蒙

聖明洞照

天語遠頒臣跪聆之下自問何修得荷

皇恩造就若此自茲以往惟有事事凜遵

聖諭益加策勵持綱秉紀嚴毅率屬以副我

皇上訓誨之至意理合恭摺奏

謝伏乞

睿鑒謹

奏

朕所訓諭切中汝病湏實力遵奉若不心悅誠服痛自改勉恐終為後患時時迺身內省可也

雍正七年十二月二十四日廣東提督臣王紹緒

謹

奏為欽奉

上諭恭謝

天恩事竊臣齋摺家人捧回摺匣臣叩頭開讀蒙

發回原摺二件外有大學士公馬爾賽等寄字內開雍

正七年十月十八日

皇上發下提督奏摺令我等閱看奉

上諭朕屢次批諭王紹緒若伊以朕言為是自當於摺  
中一一回奏若伊另有意見亦應據實敷陳今伊摺

中只將朕屢諭之語照樣繕寫進呈並無一自行陳奏之處似此草率糊塗實屬喪心病狂天奪其魄矣著將原摺發還令其另行具奏爾等可寄信切責之欽此遵

旨寄信切責到臣臣跪讀之下惶懼無措愧汗交流伏念臣知識庸愚前具奏摺奉有

硃批屢蒙

聖恩訓誨指示仰見

天言至當臣實無意見敷陳但蒙我

皇上萬幾之暇如此諄切批示而臣敬聆之後祇將  
硃批繕寫進呈無一自行陳奏之處實臣昏憤愚昧草  
率糊塗罪莫能逭蒙我

皇上格外鴻恩不即加罪

諭令閣臣寄信切責臣益愧悔無地感激涕零如夢初  
醒痛自警責謹遵

恩旨一一另行具奏外所有

皇恩深重感激愚忱謹并奏

謝伏乞

皇上睿鑒謹

奏

若能加勉自勵不獲罪於

天地神明方不有負為人之理也

雍正八年九月初九日廣東提督臣王紹緒謹

奏為恭謝

天恩事竊臣承准兵部劄開雍正八年七月十三日內

閣奉

上諭江南提督栢之藩著來京另有用處江南提督員  
缺著廣東提督王紹緒調補廣東提督員缺著廣西  
提督張溥調補俟張溥到廣東交代後王紹緒再赴  
江南新任欽此隨恭設香案望

闕叩頭謝

恩訖伏念臣西蜀武夫仰荷

聖恩授臣廣東提督自雍正五年三月初八日到任三載有餘屢蒙

聖訓不啻家人父子深愧才識短淺愆尤過多悉邀天恩寬免今又蒙

特旨調補江南提督

聖主隆恩有加無已臣感激難名惟有益甘冰蘖勉竭駑駘料理地方營伍實心報效仰答

皇上高厚之恩於萬一耳俟新任提臣張溥到廣交代

後臣即前赴江南新任外所有感激

天恩下悃謹具摺奏

謝伏乞

睿鑒謹

奏

覽奏謝知道了此任若仍以不及見責於朕則汝為無  
用之廢材矣勉之

同日又

奏為奏

聞事竊查廣州左翼一鎮係邊海重任外鎮遠夷內為  
省城保障現轄二協十營地方遼濶必謀畧深沉  
才猷肆應方克隨地制宜整理一切無誤查現任  
左翼總兵李維揚操守亦好但為人粗率遇事未  
諳才難肆應不足以勝衝繁鉅任臣因地方營伍  
起見據實奏

聞伏乞

睿鑒謹

奏

據奏左翼總兵李維揚才難勝任已有旨矣

雍正八年十月二十一日廣東提督臣王紹緒謹

奏為微臣戀

主情切恭請

陛見伏乞

恩准以抒下悃事竊臣仰荷

皇上特恩由狼山總兵於雍正四年二月初一日

陞見即蒙

恩旨特授廣東提督自到廣任事以來勉竭駑駘時深

蚊負之懼幸蒙

訓諭屢頒至誨至切不啻家人父子臣每跪讀感激涕  
零益加黽勉但臣質本庸愚愆尤叢積捫心自問  
殊切慚惶謹於雍正七年十一月內恭疏

題請

陛見未蒙

恩准茲又仰奉

恩綸調臣江南提督

聖主殊恩有加無已微臣瞻望

闕廷彌深孺慕伏乞

皇上念臣依戀下情准臣廣東交代後起行順由江西

兼程入京拜颺

殿陛恭請

聖安敬聆

訓旨隨即兼程赴任計往返路途止多二十餘日庶犬馬下忱得以稍慰而江南諸務亦得有所遵循矣

伏候

睿鑒敕示遵行謹

奏

不必束京且赴新任觀汝光景恐未能勝斯任也勉之

同日又

奏為奏

聞事竊惟各標營伍欽奉

上諭發帑生息賞給兵丁吉凶需用又奉

恩旨俟營運利息豐裕再行給與欽此欽遵隨據臣標

中軍朱鈿詳稱藩庫領回銀一萬八千兩借給殷

商汪贊明等照貿易行規紋銀九七扣庫平九八

兌每兩每月二分行息按月繳收其本銀十箇月

一繳再聽酌借移查鹽法道據覆各商殷實請為

借給隨經借給去後臣具

題咨部在案茲自雍正七年九月起至八年八月止  
十一箇月共收得利銀三千九百六十兩又兩次  
出借扣存平色銀一千八百兩及將前項收存利  
息平扣復陸續借出又存平色銀三百二十一兩  
零收得息銀四百五十二兩零前後總共收得利  
息及平色銀六千五百三十兩零若至年底共應  
得利銀八千三百兩零又經臣具摺奏

聞茲據該中軍稟稱查所得息銀六千五百餘兩內除陸續借出五千二百兩轉為生利外尚餘息銀一千三百兩有零又現收九十兩箇月利銀共計二千二百餘兩間貯在庫今擬於附近石瀧汛開設典舖一座三分行息不僅

皇仁惠濟於營兵民間亦可得通緩急等情到臣臣隨准其開設外至賞給兵丁吉凶需用臣經擬定賞格具摺請

旨如荷

恩諭即令賞給計臣標每月可收商利銀四百六十餘兩月收月賞約有餘剩亦陸續發給典舖作本至各商內如有繳還原本者亦即發給典中為本是兵賞不匱且能永久源源生息矣事關

國帑臣今調任江南現候交代起行所有開設典舖情由除造冊咨部外理合具摺

奏明伏乞

皇上睿鑒謹

奏

觀所經營處總屬不甚妥協候張溥代汝接續辦理歸於是當耳

雍正九年六月十六日江南提督臣王紹緒謹

奏為敬陳裁馬益兵末議以收標營實用事竊惟兵制之設貴乎因地制宜西北平原曠野馳騁衝突利在馬兵東南山水交錯登涉進攻宜於步卒江

蘇地方外近海洋內連湖澱因地制宜似應多設  
步戰兵以資策遣提標有援應通省之責臣前任  
廣東時所設兵制現係馬一戰七守二今江南兵  
制係馬二戰一守七設馬戰兵八百零二名步戰  
兵四百九十五名守兵二千五百八十六名共設  
馬步戰守兵三千八百八十三名內守兵數多戰  
兵實少且松城濱海地氣潮濕水草瘠薄馬匹易  
生瘡證實難餵養歷年倒斃每浮於一百八十四

匹之定額况係四面水區多馬亦屬無用臣敬陳  
管見請將所設馬戰兵八百零二名止留馬戰兵  
四百名減去戰馬四百零二匹該兵改食步戰糧  
所餘加餉草乾共銀六千六百一十三兩零每守  
兵歲加餉銀五兩六錢五分零可改為戰兵一千  
一百六十八名共得馬步戰兵二千四百六十五  
名尚存守兵一千四百一十八名仍符原額亦止  
成馬一戰五守四之營制是減無用之馬以益有

用之兵一改移間額餉未增而兵自強盛實有益  
於防禦但裁馬四百餘匹一時驟難更張似應陸  
續改除如馬匹倒斃者俾其購補該兵即改為步  
戰兵遇有事故者即將馬戰兵缺改為步戰名糧  
於守兵內拔補其陸續裁出之馬即分補通省各  
營倒斃之額而所裁馬價亦得歸還藩庫矣再查  
松江城守一營現在馬步戰守兵制與臣標相類  
事同一體請亦照此改設以收實用均祈

皇上飭議施行謹

奏

所陳裁馬益兵之議與尹繼善李衛商酌會疏具奏

同日又

奏為恭繳

硃批并謝

聖訓事竊臣前於廣東提督任內恭具奏事各摺奉有  
皇上硃批到臣一一開讀伏念臣質本庸愚屢沐

欽定四庫全書

硃批諭旨

卷一百二十九

五

天恩飭訓得有遵循感激無地惟江南為財賦重地水陸交錯臣才識短淺膺茲重寄時切不能勝任之

懼幸荷

皇上訓勉諄切臣自顧何人得沐

隆恩造就至於此極惟有益竭犬馬之力辦理地方營伍緝私弭盜整躬率屬文武和衷以期仰副

皇上訓勉至意并報

高厚之恩於萬一耳所有奉到

硃批理合一併恭繳具摺奏

謝伏乞

皇上睿鑒謹

奏

聞爾在粵將蓄積寄頓省城被火焚燬所餘囊橐尚用  
人夫七百餘名扛擡過嶺於離任起程時屬員之所餽  
送概行收受云云果若是王紹緒捫心自問安乎否耶  
此任設仍不檢點專務巧取密藏恐終無濟也恩不可

負當極加省察戒慎為要

硃批諭旨卷一百二十九